


婺源鄉土志





書  
号  
函 1 册  
登录号 86075

婺源鄉  
志



婺源鄉土志目錄

緒言

第一章 婺源沿革

婺源未建置以前 婺源既建置以後  
縣治之遷徙 城池之建置  
婺源置縣之緣起

第二章 婺源建置

公廨 學宮 學制 紫陽書院  
(附表) 續前一 續前二 崇報書院

婺源鄉土志

一

試院 劉果敏公祠 京師會館  
(附表) 文明會 (京師公產)  
南京試館 續前 天主教堂

第三章 婺源官制

縣職 續前 學職 雜職 武職  
翰林院五經博士

第四章 婺源官蹟

各宦總論 劉津 鮮于侁 張士謙  
帖木兒不花 白謙 陳金 張檟 吳瑄



趙崇善 金蘭 劉潛 萬國欽 蔣國祚  
竇祖禹 黃世臣 張法臯

第五章 婺源人物

人物總論 名賢人物 宋王炎

宋滕璘 滕洪 明汪應蛟 明汪仲魯

明余懋衡 明汪敬 余懋學 國朝江永

汪紱

忠節人物 宋胡閔休 宋朱弁

宋汪介然 宋許月卿 宋李帶

婺源鄉土志

二

宋汪立信 國朝王廷陞 國朝王友端

武士道人物 唐汪道安 唐汪武

唐胡瞳 唐程湘 明汪同 明吳伯宣

明游德敬 國朝汪乾 國朝胡顏春

國朝汪節才

第六章 婺源風俗

風俗舉要 續前一 續前二 續前三

續前四 續前五 續前六 續前七

續前八



第七章 婺源兵事

婺源兵事之緣起 黃巢之亂 續前  
方臘之亂及元萬戶之來 蕪黃之亂  
續前一 續前二 姚源之盜及宸濠之叛  
礦賊及山寇 唐士奇之叛  
王跳鬼之擾 耿精忠之叛 粵西之亂  
續前一 續前二 續前三 續前四  
續前五 續前六 續前七 續前八  
續前九 續前十 衢州之變

夏混天之警



婺源鄉土志

緒言

儒者當不出戶而知天下生是鄉而不周知一鄉之事庸非耻乎顧鄉事莫詳于縣志志書繁重非教科所宜爰擇有影響于社會者分爲義例約爲簡本定時教授期于粗知一鄉之事而已編婺源歷史

第一章 婺源沿革

第一課 婺源未建置以前

婺源鄉土志

一

春秋時初屬吳又屬越越亡屬楚秦屬鄣郡漢屬丹陽晉屬新安梁改新甯隋改歙州而唐因之維時皆未有婺源之名也有婺源之名自唐始

第二課 婺源既建置以後

唐開元二十八年始置婺源縣隸江南西道歙州五代入南唐南宋宣和三年韓世忠平方臘改名歙爲徽仍隸焉入元至成宗元年陞縣爲州明洪武二年仍舊降爲縣至今不改

第三課 縣治之遷徙





建縣之初縣治在今北鄉之清華鎮今縣治舊爲弦高鎮唐中和二年邑人汪武據鎮以拒陶雅買民地定城址昭宗天復元年詔遷新治于弦高而改舊治爲清華鎮

#### 第四課 城池之建置

縣址自北而東而南而西三面距河一面依山向恃險不城南唐昇元二年劉津領縣事始築城周九里三步啟昇元二門元時增四門明鎮將邑人汪同塞西湖改舊城址仍元四門嘉靖間又從民

### 婺源鄉土志

二

使加四門合前共八門卽今所謂錦屏瑞虹環帶嘉魚寶婺弦歌壁月保安是也

#### 第五課 婺源置縣之緣起

唐開元時劇賊洪真謀叛據休甯雞籠山爲巢穴三年討平之朝議縣地岡巒聯接易聚伏莽乃割休甯回玉鄉鄱陽懷金鄉立爲縣尋又割樂平丹陽鄉以益之縱橫二百餘里

#### 第二章 婺源建置

#### 第六課 八廨



汪武據弦高以扣陶雅始建廳廨南唐劉津乃建縣衙宋知縣朱復之重建于舊址之西北元改爲州治至元十三年復改建于舊址卽今地也自後屢燬屢建悉仍舊址丞署在正堂之左（今燬）典署在丞署之前

### 第七課 學宮

宋仁宗慶厯四年詔天下郡縣立學學宮初建于來蘇門（北門）門外之社壇次遷于縣治後次遷于西門（今學宮地）旋又遷于縣東驛後又

遷于西湖之上至南宋知縣許應龍復遷于城西而學宮之基址以定

### 第八課 學制

婺源爲中學國初原額定廩生二十名增生同取進文章二十五名府學二十名全府約派武學十五名後以捐輸團練等項兩次廣額定進縣學三十名府學八名武學二十五名文試入股武試弓箭光緒二十四年武科停三十一年文科亦停

### 第九課 紫陽書院



在縣治後保安山上肇自元世祖至元二十四年  
邑人知本州事汪元圭創建初名晦菴書院在學  
宮側明嘉靖九年知縣曾公怵毀保安山之保安  
寺爲之易晦菴之名爲紫陽

第十課 續前一

明天啟九年魏忠賢用事毀天下書院變價助大  
工鄉先賢余少原（懋衡）鬻已圭田償之而隱  
書院之名但稱三賢祠祀周子及二程子後人不  
忘余君之功亦奉其主祀祀光緒三十一年詔停

婺源鄉土志

四

科舉因改書院爲師範傳習所造齊舍闢講堂招  
生童講習科學脩初等小學教習之選

第十一課 續前二

書院田稅四百四十二畝有奇地稅二十六畝有  
奇其給膏伙及鄉會試盤費向由茶稅局正供項  
下撥銀四百兩爲老章同治五年鄉紳籲請茶捐  
每引撥四分入書院由督憲定案今卽移此項爲  
開辦師範經費



紫	項目	畝數
陽會田		一百畝強
書俞清芬堂捐		七十畝強
院庄田變賣改置民田		六十畝強
田追償田畝		五十九畝強
畝新輸田畝		七十六畝強
表新置田畝		七十七畝強

第十二課 崇報書院

在縣東門大街同治二年闔邑以籌防餘款擬建  
有田稅壹畝零地稅六分五釐零後歸併紫陽書

婺源鄉土志

五

院改爲左文襄公祠（名宗棠以平髮逆有功于  
婺源）光緒二十九年營造齊舍并趙崇善公祠  
設立高等小學校其經費由毛茶捐項下常年撥  
出墨銀二千五百圓

第十三課 試院

蓋古防城兵營舊地也在城東廂昭義坊古館驛  
之南（古防城兵營在館驛之旁）兵燹後同治  
初年重造計東西中三間今東文場業已頽廢僅  
餘中西兩間亦形斜側科舉既停可改爲地方公



益局所之用

第十四課 劉果敏公祠

在縣東門昭義坊即朱糧房住宅因虧空公帑沒入官僉議劉果敏公（各典）剿粵匪有功于婆因奉祀于此今為縣丞暫署左一間附設育嬰堂因經費支絀已停現設私立蚌城女學校

第十五課 京師會館

有新老二所老會館在正陽門外西河沿石侯兒胡同乾隆間建新會館在西河沿大耳胡同嘉慶

婆源鄉土志

間建同治十年重造共計房屋店舖七十六間半  
新老義園地各一局

會館	地方	間數
本館房屋	西河沿石侯兒街	三十八間
館	中間路西老館	十四間
房	老館前路東房屋	三間半
屋	西河沿五斗齋路北舖房	前後共九間
表	中城東坊瓜子街北頭路樓房	上下共十二間
合計房屋舖共七十六間半		

老義園地在崇文門外大街路南門對五顯廟東



抵西十六丈南抵北十五丈

新義園地在中城上唐刀兒胡同路北東抵西五丈七尺南抵北十六丈三尺

第十六課 文明會（京師公產）

我婆去京師四千餘里公車北上每苦囊橐乏資道光間俞員外誦芬王都轉鳳笙暨闔邑紳士程紉闌單遺經朱承啟等集銀三千二百兩存典生息爲鄉會寶興嗣盡數置買公產

一宣武門外大街橋頭店舖二所

婺源鄉土志

七

一宣武門外大街中間路西民房一所

一沙土園路東民房一所

第十七課 南京試館

亦有新老二館老館在江甯縣錠子巷此字舖百花巷大字舖地方房屋共十三間新館在江甯縣顧樓河字舖地方房屋亦十三間前有店屋二間後面尚有餘地可補造皆同治末光緒初所建專爲鄉試旅居之所

第十八課 續前



向例試館五鄉輪舉一人管理每屆三年經收房租歲約千緡除管理薪俸及裝修房屋雜支外常年可餘墨銀五百圓左右或添造房屋逢大比亦給賓興費光緒三十一年科舉停後僉議常年撥餘款入紫陽學校充作師範傳習所經費而改試館之名爲會館

### 第十九課 天主教堂

婺源天主教相傳自明末 國初已闌人彼時匿居民間尙未顯然傳教迨道光末訂立和約准其

## 婺源鄉土志

八

傳教始買民地建天主堂于西鄉董門光緒二十六年被外匪焚毀經許觀察鼎霖與米司鐸妥議詔予賠款聽其造教堂于城內因建于保安門一帶廣袤數畝而董門被燬之教堂亦已重造

### 第三章 婺源官制

#### 第二十課 縣職

唐之上縣令一人丞一人主簿一人尉二人迄唐季盜賊蠭起縣令俱用武臣鎮將當時謂之制置或兼他官五季皆然至宋太宗初年始以文臣知



州事以京朝幕官知縣事

第二十一課 續前

宋之上縣令一人丞一人主簿一人尉一人元初縣君一員縣丞一員主簿典史各一員元貞後改爲州知州一員同知（州佐）一員州判二員明初亦設知州洪武二年改爲縣知縣一員縣丞一員主簿一員典史一員國朝沿明制而裁主簿一員近議縣丞一員移駐清華鎮

第二十二課 學職

婺源鄉土志

九

宋初學無專職以令佐兼之慶厯四年始設教諭一員元初加選訓導一員後陞縣爲州設學正一員晦菴書院山長明經書院山長各一員明改設教諭一員訓導二員國初裁訓導一員康熙三年全裁十五年復設一員光緒三十一年裁訓導只留教諭一員

第二十三課 雜職

宋中平砦設巡檢一員至明初而革元設太白司巡檢明因之加設澆嶺司巡檢尋移干巖田又移



于項村而大鱸司亦設巡檢 國朝乾隆間裁大白大鱸兩巡檢惟項村巡檢至今仍之

#### 第二十四課 武職

自唐至明初皆有鎮將明又有守禦百戶所中平把總 國初有援剿貼房鎮將右軍守備額外委中平汛分防把總西灣汛分防把總中平汛協防把總近年裁撤綠營以次裁革惟餘右軍守備一員駐城防守

#### 第二十五課 翰林院五經博士

### 婺源鄉土志

十

明正德間科臣戴銑汪元錫御史王完（皆本邑人）後先奏請朱子子孫在福建者自景泰來恩典已隆而婺源子孫不得蔭錄甚爲缺典隨據知府張芹奏保朱墅爲文公十一代嫡孫以嘉靖二年奉詔爲翰林院五經博士又用本學席端言俾世蔭錄勿絕爰建署于縣治前街朝賀如有司

#### 第四章 婺源宦績

#### 第二十六課 名宦總論

南唐劉津巡轄縣境治績聿彰宋祀名宦十一人



而鮮于侁之名最著元祀名宦八人而張士謙帖木兒之忠尤烈前明則有白謙陳金張檟吳瑄趙崇善萬國欽金蘭劉潛諸君子 國朝之蔣國祚竇祖禹皆有功于我婺者分叙之以寄甘棠之思而丞佐廣文之卓卓者亦不敢從略焉

第二十七課 劉津

南唐昇元二年津爲都制置使築新城于西湖並領關西卒千五百人來鎮荒殘之餘召募流徙與其衆雜耕分諸校置營屯田五溪曰武溪香田思

婺源鄉土志

十一

溪大田湫溪車田浮溪言田古溪豐田九村落以田名者皆屯田之處

第二十八課 鮮于侁（閩中人）

侁字子駿爲程伊川先生門人卽司馬溫公所稱爲一路福星者授江甯府左司理參軍上書言災變移黜縣令攝婺源縣事治爲諸邑最豪強畏之

第二十九課 張士謙（山東樂安人）

元至正中士謙知婺源州斬黃賊陷城殺其妻加刃其頸以脅之降士謙曰吾爲國死忠豈作降奴



耶可急殺我至死色不變罵終不絕事聞追封清  
河郡伯

第三十課 帖木兒不花（元宗室）

至正中不花以武略將軍都元帥鎮婺立寨邑西  
小港明師東下將軍勵將士力禦後知勢不敵與  
夫人那阿氏手刃三子並斬麾下數人披甲上馬  
督兵突陣皆死之

第三十一課 白謙（濠梁人）

明初謙爲知州廉明有威鄰寇犯境城陷遇害暴

婺源鄉土志

十二

屍于河事平州人汪仲魯爲治喪具買地葬韓村

第三十二課 陳金（應城人）

成化間孟任縣事值隣寇猖獗令村置煙樓瞭望  
賊弗敢犯爲治絕謝苞苴清望甚著嘗有婦姑見  
新釀刈戲相謂曰此陳知縣也詰得其故至今以  
爲美談

第三十三課 張價（江西南城人）

價涖縣時值大造稅契銀江南例以畝徵徽獨論  
價婺民不堪而民之黠者與吏得緣爲奸利公請



于當道卒減三分之一民賴以安

第三十四課 吳瑄（福建漳浦人）

瑄甫下車卽揭四語于儀門柱曰請愬不行強禦不避苞苴不入關節不通歷六載守此語如一日精明敏決是非立判庭無留獄嘗躬巡村落中有弗率者繫于約所同衆面詰立置之法不少貸四境肅然

第三十五課 趙崇善（浙江蘭溪人）

崇善號石梁以學爲政清畏人知其理詞訟不付

婺源鄉土志

十三

房不差人不刷號兩造具在頃刻立判願息者聽歿後邑人立專祠祀之在城東大街崇報書院之左現爲高等小學校講堂

第三十六課 金蘭（浙江會稽人）

蘭宰婺明敏慈惠士民安之尤精藻鑿所拔識皆知名士嘗置貧生田以獎學校修廉惠倉以備旱潦台爲監察御史督學南畿今學田中有金學院捐置貧生田卽是也

第三十七課 劉潛（四川富順人）



興利除弊不遺餘力所創建皆綢繆戶牖之計買  
錦繡洲地爲教塲集民壯躬閱訓練四境安謐

第三十八課 萬國欽

銳意興革折獄如神邑通衢素無石甫至輒令甃  
砌往來便之然街石歷年旣久破壞幾無完地光  
緒三十年鄧公之望（湖北江陵人）履任集捐  
紳富重造今之履道坦坦者思鄧公猶昔人之思  
萬公也

第三十九課 蔣國祚（鑲藍旗人）

婺源鄉土志

十四

康熙間宰婺共十五年撫字甚勤催科不擾婺向  
用元絲銀市平參差不一奸商扣剋平民受虧蔣  
公定劃一鈞衡至今沿用號爲蔣平卒于任邑人  
德之建蔣公書院于東郊春秋享祀勿替

第四十課 竇祖禹（陝西富平人）

康熙間蒞任下車卽除市肆陋規食用與民平易  
在任四載修文廟建義塾賑水災濬河渠見義勇  
爲敗過不吝民有久客外而他人人室冒爲夫婦  
者始以衆證誤判後本夫婦痛自咎責卽行改正



旋以調簾入南闈卒于省邸邑民哀其無嗣歛金扶柩葬于東郊題曰萬民留葬且置田祭掃名曰竇公會

第四十一課 黃世臣（明縣丞廣東人）  
時丞司捕務見亡命逋逃輒涕泣諭以信義人多革面有故家子偶犯盜被獲自愧投匭求宥釋之踰月密廉知其果悔悟安業召至出所匭還之令爲資本其人卒爲善類任甫朞月民有賣刀買犢遺風

婺源鄉土志

十五

第四十二課 張法舉（國朝宣城人）  
同治六年來秉鐸專意栽培士類諸生多結文社請其評隲竭誠指授如余我村太史江懌堂進士皆親炙其門數年飛騰而去操履尤潔在任十二年未嘗私受一獻饋卒于任貧無以殮庠門至今思之不置云

第五章 婺源人物

第四十三課 人物總論

婺源爲朱子父母之邦顧山川靈秀聚而鍾諸一



人不嘗不散而布于羣類自唐立縣以來距今千有餘歲經文緯武代產人材悉數之更僕未可終也擇其尤而能爲鄉里增重者著于篇

第四十四課 各賢人物

宋王炎（武溪人）

爲雙溪王姓之鼻祖南宋時知湖州湖甲浙右多天子貴近所居素稱難理炎不畏強禦邸第貴介有撓政者炎註于牘曰汝爲天子親亂天子法炎爲天子臣正天子法一時傳誦其言著有讀書筆

婺源鄉土志

十六

記尚書小傳行于世

第四十五課 宋滕璘滕洪（朱塘人）

以父洙命從朱子學皆登進士第韓侂胄當國或勸璘一見可得掌政璘曰彼以僞學誣一世儒宗以邪黨錮天下善士顧可于進耶其官轍所經行荒政持鹽法爲蒼生造福珙文章政事與兄齊名

第四十六課 明汪應蛟（段莘人）

督學四川以播州越在徼外創興學校置弟子員州人翕然向化因改名遵義府鎮撫天津籌防倭



寇躬詣登萊置戍旅屯田海析無警移撫真定相  
度葛沾白塘棄地瀉其鹵得鹽轉饒蛟理學真儒  
立朝侃侃不阿經濟所施皆能不負所學云

第四十七課 明汪仲魯（名獻浯溪人）

元季干戈四起鄉里橫潰仲魯惻然與弟同集義  
旅以靖鄉邦參政恩甯普舉授浮梁州同知又舉  
授休甯縣尹攝婺源州事已歸明侍講東宮與朱  
善劉三吾並稱三者予告歸恩遇有加焉

第四十八課 明余懋衡（沱川人）

婺源鄉土志

十七

初拜御史論罷礦稅傳逮廷杖忽殿角有聲如雷  
上心動遂改罰俸巡撫陝西繩稅璫梁永以法爲  
兵部侍郎又拒魏忠賢營請以是積爲羣閹所忌  
坐僞學禁削籍爲民崇禎改元詔復原官

第四十九課 明汪敬（城西人）

景泰間授戶部主事時國家以廣儲蓄更制徵賦  
米十分之六解通州京倉交納道里遙遠漕輓艱  
辛民皆苦之適敬于通州監收京儲徽在轄中遂  
以其事上白于是改爲初制以金幣代輸每麥米



一石折銀二錢五分帶耗銀一分五釐遂紆一郡之患

第五十課 余懋學（沱川人）

幼從父念山聞王陽明之學獨嘆曰學患不真與爲僞中行甯爲真狂捐其意向如此居官忤時相張居正被矯詔削職爲民後居正見劾于吳中行追憾學首發其微亟欲加害學凝然不動卒亦無隙可乘張敗復職

第五十一課 國朝江永（江灣人）

字慎修少負異稟過目成誦用力于十三經注疏而于三禮尤深旁及步算聲律方輿靡不精通一時宿儒若吳紱方苞皆以禮經疑義見詢會朝廷纂修三禮義疏及修輯韻書皆徵永所著禮經綱目並音學二種以資考證後朱督學筠錄其羣書上四庫館

第五十二課 汪紱（段莘人）

別號雙池幼承母江氏教授以四書諸經數年皆成誦家貧嘗往景鎮畫碗爲傭以自給而能肆力



學問治經則博綜義疏窮理則剖析精微皆折衷于朱子自是歷地志樂律兵法醫卜以至彈琴篆刻繪事無所不通顧以高介違俗時人鮮知之者遺書亦賴朱督學筠繕上四庫館

第五十三課 忠節人物

宋胡閔休（清華人）

靖康初應兵科試中優等金人入寇挾二帝北遷閔休結義士欲劫金營爲何桌所阻後從岳飛討鍾子儀以功封成忠郎飛被誣死閔休杜門佯疾

婺源鄉土志

十九

十年卒宋史附岳飛傳

第五十四課 宋朱弁（松巖理人）

建炎初朝議使金求還二帝弁充通問副使與王倫偕行爲金人遮留懷印綬卧起嘗具酒食召被掠士夫語曰吾苟畢命報國願諸公瘞我于近郊某寺地題曰有宋通問副使朱某之墓于願足矣衆皆泣弁談笑自若留十餘年以和議成歸

第五十五課 宋汪介然（大畈人）

紹興間從侍郎沈昭遠使金先是洪皓等陷金宋



屢求之金以不知所在爲辭及介然使金遊城上  
皓聞笑語知爲南音密附蠟丸書介然剖股納之  
歸聞于朝明年和議成朱弁洪皓等皆南還

第五十六課 宋許月卿（許村人）

受學于魏了翁聞六經之要登第後扼于時相未  
獲大用宋亡月卿衰服深居三年不言門人江愷  
叩其故書范粲寢乘車事付之同時謝疊山（各  
枋待）嘗自書其門曰要看今日謝枋得便是當  
年許月卿

婺源鄉土志

二十

第五十七課 宋李芾（理田人）

知潭州元大軍圍城芾親冒矢石督兵死戰迨城  
垂破乃召帳下沈忠曰吾力竭當死吾家人亦不  
可辱于俘汝盡殺之忠伏地辭固命之忠泣取酒  
飲其家人醉乃刃之芾亦伏劔忠縱火焚其居亦  
赴火死潭民間之多舉家自盡

第五十八課 宋汪立信

（大畈人寓居建康）

初登第理宗竒其狀顧侍臣曰此闔帥才也知江



陵府時襄陽圍急移書賈似道陳上中二策似道抑不用迨元兵深入與似道遇江上問計安出立信曰今江南無一寸乾淨土某去尋趙家地上死但要死得分明耳元伯顏入建康立信扼吭死或短之伯顏陳其二策伯顏嘆息曰宋有是人有是言哉使其策用我安得至此入其家厚卹之

第五十九課 國朝王廷陞（城北人）

家素封自待如寒士順治己亥逃將李芝叛逼城勒餉陞傾家爲邑人請命芝貪索無厭陞乃出諭

婺源鄉土志

一一一

以大義遂遇害事聞旌以忠義奉祀昭忠祠

第六十課 國朝王友端（詞坑人）

署浙江布政使咸豐間粵寇犯省垣城無守兵外援猝不得至端泣謂幕友曰吾受國重恩誓與城共存亡書浙江布政使王友端于衿遂率勇日夜堵禦城陷仰藥死事聞賜卹予謚貞介

第六十一課 武士道人物

唐汪道安

越國公華十三世孫年三十歙州刺史于德晦奏



補尙前兵馬使充婺源鎮都虞侯因家婺源長子源分戍五福次子瀆分戍之浯賊兵犯境輒率衆奮擊賊潰民賴以安瀆弟淦亦驍勇絕倫每從瀆征勦爲先鋒云

第六十二課 唐汪武

乾符中仕爲本州遊奕使自武口徙鎮弦高以私財買民地置城池爲鎮將二十餘年俾邑人不爲外寇侵擾陶雅爲歙州刺史暴增民賦武不爲屈雅憾之後過婺武迎謁被縛達楊州父老羣詣楊

婺源鄉土志

二二

州請武還鎮行密從之卒年七十六邑人立汪司空祠祀之

第六十三課 唐胡曠

少負才勇爲鄉人所畏服黃巢犯宣歙曠集壯士禦之賊衆敗走井里獲全都統鄭畋王鐸前後上其功授宣歙節度討擊使曠卒刺史陶雅薦其子壽代領其衆保護鄉井土人感德立祠祀之

第六十四課 唐程湘

程忠壯靈洗十四世孫畢鷄陳孺等乘黃巢亂後



所在殺掠湘與兄湮弟陶同守休甯之東密巖拒賊合戰斬獲無算旋詔領兵鎮婺因家焉子全禮膂力絕倫善騎射賊畏之目爲程虎

第六十五課 明汪同（涪村人）

元至正中斬黃兵陷城知州張士謙死之鄉里推同爲首率衆破賊克復後又從官軍復饒州及浮梁州以元帥恩甯普舉知本州事合軍復休甯並祁歙等縣迨明師取徽州進士李克魯邀謁鄧愈逃至金陵見明太祖歸以樞密院判鎮婺源後因

婺源鄉土志

二二三

征饒兵潰走姑蘇爲張士城所拘不屈死

第六十六課 明吳伯宣（花橋人）

紅中賊蹂躪婺源院判汪同復之宣輸粟募義勇助有司守禦及斬黃兵再陷婺源花橋爲北鄉通衢居民橫罹魚肉宣率衆扼要捍禦與賊遇于黃塘山下殲其渠魁賊投戈屈服一鄉以甯遂名其山爲軍服山

第六十七課 明游德敬（濟溪人）

膂力絕倫善騎射元末與汪同起義兵保障鄉閭



鄰寇聞風皆披靡不敢入境故干戈四起之時而  
太鏞以東秋毫無犯德敬守禦之力也鄉人至今  
思而壯之

第六十八課 國朝汪乾（段莘人）

康熙十三年閩寇陷城乾帥文武諸生詹錦等七  
人與附近諸村團結義旅殲賊于廬嶺迴嶺諸隘  
後戰于官橋頭賊從間道夾攻乾等皆戰死及大  
兵恢復論功旌七生之閩曰奮武聲先

第六十九課 國朝胡顏春（清華人）

婺源鄉土志

二四

咸豐間粵寇踞城春率勇直撲北門賊出衢突春  
以鳥槍迎擊斃賊無算追迫城下而約諸團攻東  
門爲應兵皆負約不至賊偵知潛自東門渡河絕  
其歸路而城內賊復出來攻春揮雙刀且退且拒  
殺賊目數名身被十餘創戰歿于七里亭側

第七十課 國朝汪節才（鳳砂人）

善拳勇粵匪犯境才外出伯母年八十被殺才誓  
賊以報賊入村才伏僻隄伺賊入山擄掠尾其後  
殺之賊反鬪才揮雙刀殺人如草前後斬首百二



十餘級咸豐十一年賊大至才乘霧殺賊無算俄天霽賊衆以銃擊才洞背出胸剖其腹抉其目斷其手指而去

第六章 婺源風俗

第七十一課 風俗舉要

我婺源山多田少西南稍曠衍東北則多依大山之麓墾以爲田概田歲入不足供通邑十分之四辛三回與饒接壤得資其有餘以補不足然山林之利我婺源獨擅惜農力不勤半成荒穢故今日講求

實業斷以提倡林學爲先

第七十二課 續前一

婺源人喜讀書雖十家村落亦有諷誦之聲向科舉未停應童子試者常至千數百人邇來漸次減至五六百人文風亦日下矣正宜乘新學創興之時廣設學堂期于教育普及

第七十三課 續前一

四鄉風氣不齊東北鄉人多服賈於長江一帶輸入蘇杭俗尚稍事華靡西南鄉則率安樸質然界



近浮梁性頗剛勇于私鬪教育家能發明公理  
隨其習慣振以尙武精神保衛鄉邦之選于是乎  
在

第七十四課 續前三

鄉落皆聚族而居族必有譜世系數十代尊卑秩  
然主僕之分甚嚴役以世卽其家殷厚終不得例  
于大姓或有冒與試者攻之務去近來歐人平等  
之說輸入中華脫僕籍而入上流可企踵而俟事  
機之會矣

婺源鄉土志

二六

第七十五課 續前四

婺俗最重先塋唐宋以來邱墓松楸世守勿懈或  
有私葬一棺盜伐一株卽憤起訟端累年不解且  
葬親多泥于形家寧遲毋亟有經年停柩于庭卽  
殯而多厝于淺土者往往爲洪水飄蕩野火殘燒  
前仆後追莫知所戒此敝俗之宜改良者

第七十六課 續前五

婚喪之禮而尙質樸昏禮重門閥輕聘納無重帛  
侈筵喪家以素膳膳客無飲酒食肉邇來漸習侈



靡一婚喪之費破中人百金以上之產前元于文  
傅公宰婺以禮訓民禁昏喪之侈費百姓協從當  
此民窮財匱唯儉可以節流起靡振頽是良有司  
及上流社會之責也

第七十七課 續前六

鴉片流毒徧海內婺人嗜之者亦多自士夫以及  
負販細民靡然成癖雖窮僻山居無他市肆而煙  
寮隨在皆有日賭風亦盛每有借酬神演戲爲名  
大開賭局坐是無業游民流爲匪類誠能禁烟賭  
以清其源開工藝院以塞其流地方自治之基庶  
有望矣

第七十八課 續前七

婺之女紅西南鄉間有能紡績者東北婦女治蔬  
圃操井臼及針刺等事亦多不能然習甘澹薄鄉  
居者數月不得沾魚肉特女學未興知書識字者  
少故亦有侈華飾厭禦窮甚有癖于烟賭以破其  
夫家尤敗俗之宜變革者也

第七十九課 續前八



我婺物產茶爲大宗顧茶唯銷于外洋一路邇年  
茶市窳敗兼茶者富實降爲窮戶而農民依茶爲  
活遂苦不可支亦有稍知變計易種木棉者但不  
知研究種法收成甚薄前縣憲張公振鋆刊布棉  
麻事宜實農學教科之善本也

第七章 婺源兵事

第八十課 婺源兵事之緣起

婺源未立縣以前東北隸休甯西南隸鄱陽兵事  
當見于休鄱兩縣志自唐開元時劇盜洪真謀叛

婺源鄉土志

二八

事平後乃割休甯回玉鄉鄱陽懷金鄉立縣隸歙  
州于是有婺源特記之兵事代宗永泰間蘇寇方  
清陷歙州次年李光弼討平之時婺源未有鎮將  
至宣宗朝刺史于德晦乃以兵馬使汪道安來鎮  
婺源

第八十一課 黃巢之亂

僖宗乾符間黃巢作亂天下寇盜蜂起鎮將羅菱  
追賊于銅步（在丹陽鄉）溺死時汪道安弟武  
爲本州遊奕使乃于武口創鎮使姪源鎮五福濱



鎮二梧中和二年武以羣盜入歙州復于弦高鎮  
腰灘爲營置城池焉（卽今縣治）

第八十二課 續前

昭宗龍紀元年淮南留後楊行密陷宣州自稱宣  
歙觀察使錄汪武功補節度押衙景福二年楊行  
密取歙州以陶雅爲刺史雅政暴虐民不堪命拒  
之雅攻破邑郭武退保武口遣使自歸行密署檢  
校司空天復三年雅攻鍾傳兵過婺源武迎謁雅  
縛送楊州父老詣楊州請武還鎮行密從之

婺源鄉土志

二九

第八十三課 方臘之亂及元萬戶之來

徽宗宣和二年睦寇方臘陷歙州守將郭師中死  
之次年韓世忠擒斬方臘于清溪亂遂平端宗景  
炎元年元兵來攻州招討使李鈐等以州降教授  
汪友直不食死副統制李世達等起兵拒元不克  
走行在元萬戶李木魯敬下令屠諸邑歙人邱龍  
友率父老詣軍門懇請全活遂以邱知徽州婺源  
汪元龍佐之其弟元圭知婺源縣

第八十四課 蕞黃之亂



元順帝至正十一年斬黃賊陷婺源知州張士謙死之邑人汪同率衆開五嶺破賊柵復之未幾賊又至同戰不克十三年都元帥帖古迭兒復之十四年元帥福童來鎮又爲賊據十五年元帥恩甯普以幣起汪同知州事與賊戰于橫槎嚴坑明日賊入城同走開化之馬金募兵守險

第八十五課 續前一

十六年婺源知州汪同率軍過馬金嶺連敗賊復休甯及歙黟祁等縣集義兵開府于臨溪（在績

溪）未幾守兵潰同兄敵率兵復之十七年明遣鄧愈胡大海攻徽州路元帥福童阿思武棄城走汪同率所部附鄧愈遂至金陵謁明太祖歸以樞密院判鎮婺源

第八十六課 續前二

十八年明太祖來駐師玉屏山（在汪口）鄧愈部將王弼孫虎取州守將帖木兒不花死之（小港口有破肚石即守將夫婦殉難處）明以汪同來鎮築城建左右翼總管府官舍倉廩一新浮梁



德興皆來附二十五年十一月賊夜入城州無守  
軍知州白謙殉難

第八十七課 姚源之盜及宸濠之叛

武宗正德八年江西姚源洞盜王浩八遣其渠魁  
王鑾二從大鱗嶺突入縣境殺民兵程楚等三十  
餘人擄殺男婦投崖溺水死者相繼于道十四年  
甯王宸濠反遣兵守祁婺西境遂黨散入婺源新  
安衛指揮使劉輔來禦戰于五鎮死之

第八十八課 礦賊及山寇

嘉靖四十三年（衢州）（處州）（金華）礦  
賊突出真坑舖涉溪入許村殺死捕快陳赦等四  
十五年山寇發自開化巡按王御史遣新安衛指  
揮王應楨百戶何子壽來禦敗績王何皆死清軍  
同知張子瑄領衛軍至賊由香坑渡河焚北門突  
入指揮翟鳳翔亦死焉賊恣焚掠縣治爲墟居一  
日乃出梅林而去

第八十九課 唐士奇之叛

順治十六年叛兵唐士奇引黨攻城七月防將李



芝因海警徵調而逸遂與士奇等率兵逼城知縣張宏美督丁壯禦之芝等散去城義士王廷陞毀家紓難被害中雲王祐光率義勇援城死難者七十餘人

第九十課 王跳鬼之擾

山賊王跳鬼嘯聚剽掠爲患已久康熙八年知府曹鼎望詳請督撫檄總鎮邱越率兵進剿以降賊何昌等爲鄉導十二月師進婺源遇賊于源頭塢千總王龍先斬其僞先鋒賊大潰奔浮梁跳鬼潛

伏于三里都九年正月卹君分五路搜于浮曹君檄三路扼于婺源跳鬼乃就縛餘黨始散

第九十一課 耿精忠之叛

康熙十三年耿精忠黨羅其雄由德興入寇知縣陳亦承以城降民居毀十月樂賊馬成龍等又寇段莘諸村團結鄉勇拒之賊由詞坑進攻民兵失利是日額（楚）巴（山）二將軍來復留兵駐防十五年八月閩寇白顯忠由開化寇濟溪大畈等處遊擊張品元中平守將王佐擊退之



第九十二課 粵西之亂

咸豐五年二月粵賊自休甯回陷婺城浙江知府石景芬率夏寶慶由北鄉江南提督鄧紹良率周天受由東鄉兩軍並進三月賊由德興竄廣信城復四月廣信敗賊復由婺城竄景鎮又由景鎮竄西鄉都司夏寶慶拒戰于清華失利邑人汪杰等助戰殉難賊竄休甯九月浙江都司薛舉率兵來駐防十二月移駐開化白沙關

第九十三課 續前一

六年賊酋石達開由景鎮陷城縣丞蘇式敬督過廬嶺賊度五嶺竄休甯遊擊蔣廷選率嚴州兵來駐賊由海口竄入知縣陳兆元城守賈仲良從戰失利守備徐勇于總胡鳴飛陣亡城陷未幾浙江南河參將師長鏢駐屯試院旋移營橫槎

第九十四課 續前二

七年二月賊由景鎮竄南鄉攻官軍師參戎力戰陣亡自是城爲賊踞四出焚掠閏五月乃退六月浙江知府畢大鈺參將王國政率兵分營東西關



外時邑紳洪修政等在清華設局團練參將王夢麟率郡兵駐清華七月賊大股自樂平由彰睦來攻東西兩營官軍失利畢太守陣亡城又陷

第九十五課 續前三

自是踞城之賊屢攻清華均被官軍練勇擊退八月參將王夢麟等進營金竹降賊分兩股一由前坦過茶培嶺一由思口至金竹距官軍里許不進別遣賊統龍騰襲官軍後時縣丞葉鈐等伏兵集福菴山上出擊之賊腹背受敵死傷積野至九月

賊退城復

第九十六課 續前四

八年七月賊自華埠竄新建參將丁文尚遊擊蔣廷選率兵勇禦黃瓜尖嶺城守陳禦西坑嶺賊由西坑嶺故入繞至黃瓜尖嶺丁蔣兩軍皆潰知縣吳崧慶力請守城不聽退屯清華城空數日賊不敢逼八月朔始自海口陷城

第九十七課 續前五

賊首楊宜春周加城垣築堰小東門外以過河流



深溝固壘城上遍施機弩木石城外設竹木柵兩重爲固守計京堂張公芾調提督周天受總兵江長貴等屯武口香田等處副將王夢麟屯上河副將文端游擊夏寶慶來會攻屯漁潭兩次攻城失利時樂平奸商與賊貿易官軍及鄉勇攻剿數月不克

第九十八課 續前六

時浙江總兵李定泰率兵屯白沙關爲聲援九年正月李軍自白沙關來會剿直至城下決賊堰賊

炮雨下官軍抵死不退堰遂決奪賊炮船二月朔賊乃盡焚民居而遁由西鄉竄浮梁城復

第九十九課 續前七

十年十一月德興賊竄婺源城陷左文襄（名宗棠湖南湘陰人）遣兵復之賊竄開化又由休甯竄大畷時副將王夢麟程永年駐江灣合民團抵禦賊分路進攻營壘盡失王夢麟等退祁門知縣朱德芬赴祁門請兵賊分踞汪口詞坑等處旋退浮梁



第一百課 續前八

十一年正月賊酋李世賢由休甯竄江西左文襄督軍進剿遣遊擊王開琳等同扼甲路叠次敗賊後文襄進兵鯉魚橋移師柳家灣距甲路稍遠甲路軍挫游擊陳明南等戰死王開琳退屯景德鎮

第一百一課 續前九

三月賊自樂平陷城知縣申協烜被執不屈投河以殉賊旋退華埠五月賊又自德興竄入東北鄉團合擊賊走大畈窳休甯六月文襄自景鎮來婺

婺源鄉土志

三六

賊酋賴瑒竄華埠抵新建官軍禦于一都分路進剿賊遁婺源德興肅清

第一百二課 續前十

八月文襄自婺往江西駐廣信探知賊自浙竄婺親督兵冒雪出師敗賊于大鱗嶺進剿常山開化同治元年文襄奉命撫浙以婺爲江浙衝要調兵循環駐防二年浙賊道越婺源竄江西教諭夏忻飛稟文襄檄劉典等回援敗賊于梅林等處自是婺獲安堵皆左公暨劉公衽席之也



第一百三課 衢州之變

光緒二十六年夏土寇吳賴頭丑劉金彪等發自衢之西安無賴游民多從之戕其縣主吳公德瀟焚教堂害教士江常被圍我婺戒嚴警報日數至皖撫皖鎮先後遣記名提督金協鎮江領兵駐守民賴安堵及秋賊氛始靖乃撤回

第一百四課 夏混大之警

光緒三十三年七月樂平土豪夏病意乘間竊發據巖岨山爲巢穴勢頗延蔓婺西戒嚴省兵駐防

民獲安堵八月夏賊率其黨潛攻樂城幸統帶李某途遇鎗斃懸首示眾餘黨逃散






光緒戊申七月出版

（婺源鄉土志全冊）

（定價洋貳角正）



原著

董鍾琪吉符

校正

汪廷璋退之

發行

王鴻椿振儀

印刷

婺邑暢記公司

暢記公司活版

婺源鄉土志

三八